

Ping Yin hsien club


DS

793

S42 P525


1848

V. 1



V. 1





道光二十八年冬月刊

平陰縣志續刻

縣署藏板

續刻平陰縣志序

道光戊申仲秋之月平陰廣文趙
君有悌因公至郡呈續刻縣志一
書請序於余查縣志修於嘉慶十
三年前守陽湖徐公曾弁以言迄
今越時雖未甚久而續採節孝亦




實有闢風化為邑乘所不可畧且
閱其附刻已令張君碑記詩篇尤
足徵循良實蹟焉夫張君治平五
載已調任朝陽矣方涖平之初即
知其殷殷求治迨後惠澤久敷仁
聲漸著其經猷所布洵有古循吏

風故余於昨年計典特加上考而
大憲亦因其才堪治劇頻調繁區
今觀是書益以見建樹不誣而薦
剡亦非虛也因贅數語以繼前序
庶於民風吏治均有裨益焉爾

誥授朝議大夫嘉慶癸酉科繙譯解元

知泰安府事蒙古法豐阿序



續入節孝序

自古有人心而後有風俗故欲敦風俗必
先正人心夫人心何以正告誡之外亦惟
表揚忠孝節義之行俾人聞風知感爭自
濯磨可爾道光丙午春予因平邑節孝久
未請旌與學師趙君商舉其事延同學公
正之士切實採訪越年得三百餘人彙請


旌表建總坊于節孝祠前事竣請孝廉熊君編


次事實附入已乘內有前已入志未請旌
者有前已請旌未建坊者茲統列于坊即
同詳于志其續採未及請旌而僅列于坊
與續採而未及列坊者亦附焉良以見聞
所及皆可誌之以待後人之舉以故孝義
之士應入行業者並附于後凡以不沒人

善而聞風者之觀感乃更無窮也已

勅授文林郎道光乙酉科拔貢辛卯科舉人知

平陰縣事中山張樸撰





續纂節孝序


平邑近聖人居婦女多喻大義先輩節烈已載邑乘
迄今人未修之矣中山張邑侯莅政茲士懼節婦之
湮沒不彰也爰邀合里紳士委以採訪凡履歷事實
俱由諸生習見稔聞殫心確核始登簿得三百餘人
悉具申詳奉

旨建坊題名旌表不遺不遺稱盡善焉或曰守節分內事
耳烏足旌余曰此其固然然而夫婦之倫則人道之
至大者也有夫婦然後有父子有父子然後有君臣

上下而禮義有所措故牌合之禮至道於此造端從
一之操論功亦可不朽有仁人君子表其志節以樹
風聲一正人心厲風俗之要道矣今公雅意尋訪宏
獎節義慰貞魂於身後發潛德之幽光俾窮巷僻廬
緇席之人皆得留芳馨於百世而後之聞其名慕其
義者將由是以篤六婦之倫而因以盡父子君臣之
誼其有裨於人心風俗可勝道哉嗣囑學編次續入
邑乘而公已遷任朝陽矣事竣寄公公出棗梨資附
載邑乘後於以見公之扶持名教用心良苦而浮圖

之合尖復成事於去後洵可謂有始有終者矣學之
操筆也一據採訪原帙爲紀載文有修飾而事無增
刪傳信也雖親戚與顯貴不敢爲溢美之辭雖疎逖
與寒微不肯爲簡畧之語秉公也信與公則又學之
自盡其心以期無負邑侯之苦心云爾

道光戊申年且月甲午科舉人邑人熊衍學識



平陰縣志續刻

節婦

朱氏張文在之妻

前已入志

司氏吳家莊朱衍穀之妻事親孝舉止語默娣姒皆奉爲式十九歲夫亡氏自守益謹族中尊長見之皆加敬焉守節七十年壽九十一歲

楊氏大孫家莊孫仁之妻夫歿氏撫六歲孤上無翁姑下無兄弟艱苦備嘗卒賴氏勤儉持家宗嗣不替守節五十一年壽八十歲

蔡氏東站庠生譚安邦子璠之繼室于歸時翁姑俱
逾七旬氏奉養維謹夫歿翁姑亦逝幼子正秀方
在懷抱氏獨持家務夙夜警惕撫子成立爲之延
師讀書迄今子孫蕃盛人咸謂氏賢德之報云氏
壽九十歲

前已入志

胡氏子順莊李德_正之妻孝事翁姑夫歿益盡婦道
撫幼子成立翁姑歿竭力營葬持家勤儉勵節堅
貞里人賢之公送操比松筠額焉壽八十二歲

前

已入志

劉氏張家天井張于郊之妻事翁姑孝衣服飲食身
獨任之姑先翁歿氏每食必祭必泣至翁歿合葬
乃已以夫弟子爲嗣撫育教導靡所不周閉戶紡
績二十餘年家以小康

殷氏西天宮張繼孔之妻夫歿翁年逾七褻氏謹事
之以堂弟子爲嗣視如己出自七歲撫養以至有
室勤苦備至

孫氏刁家莊宋格之妻舉止端莊夫歿撫幼子鳳岡
成人鳳岡又歿與寡媳熊氏相依爲命學憲張爲

題額曰兩世清操

前已入志

王氏姜家莊孫兆瑞之繼室于歸時翁姑俱歿前室
子十二歲女二歲氏撫字如已出夫歿矢志從一
勤儉持家人稱苦節

李氏大孫家莊孫鳳翕之妻于歸月餘夫歿氏決欲
身殉翁姑勸止恪修婦職生養死葬無違禮以姪
效哲嗣貞寸五十餘年親族賢之

前已入志

張氏靳家寨靳衍疆之繼妻于歸時親老家貧前室
女五歲子宗仁週歲氏仰事俯畜助夫所不逮脫

纓一載翁姑與夫相繼歿氏葬之以禮後家業漸裕延師課孫孫在陽少年入泮人以爲節義之報云氏壽八十七歲

于氏畢家莊畢明德之妻十八歲于歸姑在堂有幼弟二氏孝友兼至夫歿後仰事俯畜於氏焉賴幼子希貞訓迪惟嚴迨成立恪守母訓雖家貧日不舉火而處之昂如非其所有一毫莫取氏之貞潔卽其子可想見焉

葛氏小屯趙玉水之妻性廉潔務勤儉事翁姑克孝

遺孤三歲撫養成立

婁氏平地樂趙文長之妻十九歲夫亡守節六十五年
壽八十三

翟氏土寨庠生婁瑞鳳子增生嶧之妻事孀姑先意
承志姑病氏寢不解衣者四十餘日奉膳除穢極
盡心力學憲張賜筠節松心之額子芳楹候補崇
文門副使

程氏夥家樓柳聰之妻性情坦易儉以持家自十九
歲孀居越六十五年歿壽八十四歲

前已入志

魏氏元家集元文標之妻壽八十三歲

陳氏畢家莊畢衍若之妻十八歲于歸未及期夫外出翁爲思子憂不甘食氏多方勸慰翁以疾終時僅有薄田數畝典賣營葬厥後夫無音信氏終無異志紡績自給更蓄餘資置產以姪繼玉爲嗣壽七十三歲

孫氏南子順莊宋德原之妻于歸時家貧姑孀日常不舉火氏以女工供甘旨無缺夫歿孝聲愈著賴氏勤儉家漸裕姑歿竭力營葬氏以姪文祺爲嗣

熊氏湖溪渡張秉合之妻

前已入志

姚氏龐家口張存禮之妻氏本農家女十七歲于歸生二子甫八年而夫亡翁姑少之諷以改適氏之死靡他甘爲勤苦嘗曰背夫爲不義舍子爲不慈况翁姑年高家又窶貧無所依凍餒死矣代夫養親余責也奚可逃其言其事里長者至今猶樂道之氏八十二歲卒

張氏題家海子題藏修之妻夫歿欲以死殉因念舅姑齒頹二子俱幼始留餘生氏仰事俯畜備閱艱

辛晝事汲春夜勤紡織而矢志堅貞族黨莫不重之

趙氏畢家莊畢衍伋之妻于歸數年夫外出子女兩無氏孝事翁姑不怠及翁姑繼歿薄田數畝典賣營葬親族舉無可倚氏紡績自給靜待夫歸奈望眼徒穿而刀頭未賦苦守五十年無疾而逝

婁氏婁家莊庠生婁東軒之女適鄭家莊監生田立德之子毓瑚夫歿事翁姑最孝鄉人稱之曰有媳如婁氏可爲翁姑畢生幸矣撫嗣子極慈暑年不

令出庭戶氏壽七十八歲

張氏生家莊李興業之妻夫歿月餘遺腹舉一男以
無人持家又以姪鳳儀爲嗣家事盡委焉氏孝事
翁姑勤儉訓子冰節凜然

劉氏黃起元莊尹宗商之妻夫歿貞靜自守非大事
不出門鄰里多有不識其人者侍姑病不解衣者
半年翁歿三日輟飲食其誠一如此氏無子以弟
子文理爲嗣嚴訓之延師教讀幼年入泮嘉慶己
巳年學憲帥給守志延祧之額

司氏前八里莊張秉睿之妻事翁姑孝夫歿子甫三
月氏撫之備歷艱辛晝夜紡織儉約自奉家以漸
饒

宋氏姬家莊高近仁之妻夫亡兄弟皆析居氏獨與
翁姑處姑病藥須髮氏剪髮調藥晝夜奉侍卧不
解帶者月餘季弟濟川膏火不給氏日與香以照
讀年餘入泮兵孫瑤琳課讀最早亦入泮氏壽八
十七歲卒

盧氏前八里莊張國福之妻夫有相夫盡孝夫歿事

舅姑益謹無惰容勤儉自持家道肅然

何氏滑口張國連之妻和厚寡言孝親慈子勤儉立業家道蒸蒸二十三歲夫亡守六十二年卒壽八十有六

張氏靳家寨靳衍文之妻八里莊張家附女也生長名族嫻閨訓十九歲夫歿事姑三十餘年無失禮氏無子以弟衍泉子宗良爲嗣撫養成立爲援例入成均宗良先氏而亡痛母苦節至死以不能顯揚爲憾氏壽九十歲守節七十一年

前已入志名作衍文

張氏大義屯丁允恭之妻誕一子興魁夫遂病氏侍湯藥半載無倦色及夫歿上奉翁姑下撫孤子并曰之勞皆所不憚仰事惟艱恒以紡績給甘旨舅姑壽終竭力殯葬守節五十六年壽八十一歲

晁氏胡家坡劉克鉅之妻氏母家世務農不知詩書氏夫歿無子其兄嫂卽勸之他適氏堅不從兄嫂曰身無立錫地又無兒息何受此艱苦爲氏歎曰亦知飢寒難忍但我去恐亡夫終不血食矣身雖無嗣豈不可索諸旁支但當謀儲蓄以招之遂備

七
極勤儉以女工易食二十餘年置山田數十畝適
有夫族子自塞外歸遂鞠以爲子爲之娶妻甫生
孫而子媳俱亡氏又撫幼孫成人至爲娶妻生子
凡生養歿葬皆氏之力氏壽八十二歲守節五十
六年計其一生極孤苦極拮据而志操貞潔窮而
彌堅卓哉

劉氏張家窪呂曾之妻夫歿氏上事翁姑下撫二子
遇彌苦而節彌堅焉

徐氏于家窩張文恭之妻相夫事姑備極敬慎家貧

賴紡績以給饗殮夫歿子五歲又得遺腹子奉孀姑撫幼子艱苦備嘗十餘年爲長子婚姑歿營葬以禮又數年長子與媳俱以時疾亡氏亦多病賴次子士常養老送終焉至今族黨稱其苦節莫不哀之

潘氏黃起元莊尹宗夔之妻事翁姑最孝姑有足疾氏侍奉無間寒暑每病劇則氏不食焚禱願以身代姑病果減氏以兄子文琮爲嗣日紡績供讀子勤讀則喜惰則憂督責綦嚴故文琮弱冠入泮氏

和於妯娌家無間言嘉慶己巳年學憲帥以節光
閭史額其門

張氏草寺庠生張一梅之女大生家莊生浴沂妻也
誕子女各一而夫卒氏貞志自守事親撫子艱苦
備嘗迄今有孫男二曾孫男四皆賢明莫非氏教
之力壽八十九歲

劉氏王家樓仕蘇州府知府田怡之子監生田掄元
妻也孝於翁姑睦於娣姒雖家業中衰而茹苦含

辛志操不易

趙氏于家窩張連城之妻夫歿時一女三歲子書純
週歲矢志懷清孝慈兼盡越十餘年翁姑相繼歿
氏爲營葬盡禮盡哀撫孤子成立爲娶妻抱孫焉
何氏城內趙芳年之妻二十二歲夫歿守節五十四
年

劉氏王家小莊監生王元魁之妻東阿監生劉來麟
女也性仁好施事孀姑曲盡婦道姑歿夫亦歿子
芹溪甫二歲氏內外無依孤苦自矢延師教子旋
課孫讀後長孫峻峯入泮食餼孫一峯亦入庠氏

壽八十四歲

王氏黃家坡劉鳳岐之妻

前已入志名作鳳奇

張氏安城王臨吉之妻事親至孝親喪盡哀盡禮性貞靜不妄言笑終日紡績自給雖艱苦無怨言

張氏後八里莊孫海之妻和柔謹慎事翁姑二十年不怠視嗣子如已出勤儉持家恪守先業守節五十八年壽八十有六

張氏于家窩張士聘之妻夫歿憂翁姑無依時勤定

自無夫弟上義之子王立爲己子朝夕訓迪娶媳

成家氏壽八十有三

賈氏朱衍坤之妻

前已請

旌別有傳

李氏城內孫起俊之妻

宋氏長清歲貢生宋明倫之女適平邑朱家海子朱

光鉅秉性溫和孝於尊章所生一子出爲人後自

擇嗣教之成名其家訓嚴肅至今未艾現年八十

五歲

唐氏傳家寨何佩珍之妻夫與姑俱歿惟時老翁在
堂家無田產氏供菽水不缺撫十月孤備嘗艱苦

卒賴氏勤儉力粗置產業現年八十六歲五世同堂亦苦節之報也

劉氏小與莊展長讓之妻善事翁姑里人賢之嗣子元凱教以務農稱克家焉氏壽七十八歲

王氏大碾劉莊張道用之妻嚴守閨訓婦職無虧夫歿水漿不入口者累日已瀕危念孀姑春秋高無人侍奉始進飲食自是夙夜無逸內外事務區畫井井於幼子立享愛不忘勞訓之成立氏壽七十

九歲

孫氏俄家莊趙國楷之妻善事翁姑無違夫子夫歿
翁姑亦繼歿拮据喪葬備歷艱辛夫兄國棟子孝
法方數歲立爲嗣愛逾己出氏勤儉自持家以漸
裕閨門嚴肅里人至今稱之

徐氏傳家莊元養泗之妻孝於親勤勞於家嗣子有
介視若己出

楊氏孔村王逢泰之妻持身端嚴養族姪承佑成人
入武庠

顏氏城內拔貢生張近仁之妻性謹訥事尊章克盡

婦道勤儉持家內外無間言

江氏大義屯叢良江之妻十七歲于歸翁猶在堂越
二載夫歿氏欲以身殉恐翁老無依且有遺腹乃
止逾四月生子林時僅礲田數畝氏上奉老翁下
育孤子數年翁亦歿氏竭力殯葬自是母子相依
爲命饜糟糠食藜藿苦莫可殫述林稍長訓以守
分氏躬勤紡績銖積寸累置田十餘畝爲林娶妻
立家焉氏八十五歲有孫男三曾孫男亦三椒衍
瓜繇日益繁盛叢嗣之不殄君子謂氏有再造之

功

張氏東站莊曹代之妻翁姑俱失明一出入必氏扶
一飲食必氏奉夫亡族人謀瓜分其產氏多方護
持得免不數月而子生氏夙夜勤苦漸至小康一
子蘭榮四孫竹立曹祀之不絕雖曰天幸抑亦氏
之力哉

何氏鞞家樓何漢卿之女適沙土嶺李鳳儀守節三
十五年

夏氏孔村王家銓之妻賦性幽貞持家勤儉

石氏張秉燃之妻居前八里莊備嘗窮苦人無間言
現年八十四歲守節已六十年矣

桑氏下馬頭趙克亮之妻孝姑慈子心性和平

張氏南關高毓英之妻和平端莊菽水盡孝翁姑歿

哀毀踰節遇有珍味必令夫弟造墓門薦之以弟

子爲嗣紡績以給饗殮撫子成立訓以義方氏壽

八十二歲守節六十年

孫氏小屯監生王純仁子繼貞之妻西天宮監生孫

景行女也事親克孝持家有法鄉人慕其節之堅

爲立碑焉

趙氏貢子峪張春洪之妻事翁姑孝夫與翁姑繼歿
悼痛自縊死而復蘇者再家貧無以自給毀其容
與族間服役所得餘資盡付夫弟以夫弟長子爲

嗣

桑氏凌家莊郭玉棟之妻家計蕭索恃氏紡績以爲
業二十一歲夫歿無子翁病廢弟玉梁外出娣亦
早世遺姪振廷尙在襁褓氏鞠爲己子事老撫幼
養生送死煢煢子立年少懷清使垂絕之宗祧得

延一線微特節可取才亦過人遠哉

劉氏大孫家莊孫效孔之妻恪執婦道夫歿以養親
爲己任生事死葬皆盡禮氏無子繼姪養源長娶
尹氏養源亦歿氏與媳零丁孤苦共厲清操臨終
囑媳曰守志亦易事能勤苦不患無完節也

孫氏張家莊張國純之妻二十一歲夫歿與孀姑同
幃守志定省無缺氏習於勤苦自甘淡薄以姪秉
範爲嗣

鄭氏牛角店尙其惠之妻事祖姑與翁姑各盡其誠

家貧日勤紡績自甘淡薄而冰霜之操始終不渝
孫氏後八里莊張秉臣之妻性慈惠好濟貧困勤儉
持家家以允裕己無子以姪爲嗣誨以義方氏現
年八十二歲守節五十七年矣

劉氏元家集元文標長子坦之妻

張氏傅家莊元文選之妻勤儉持家事翁姑以孝聞
丁氏袁二莊竇忻之妻夫歿遺子女各一俱幼氏矢
志孀守日以紡績爲事事姑克孝御衆以仁鄉人
咸敬之

左氏羅家寨趙淮之妻貞靜儉勤孝親慈子

王氏子順莊張儒言之妻現年八十一歲

田氏牛家莊張春炳之妻夫歿姑近八旬二子幼弱

氏奉親撫幼備嘗艱辛現年八十一歲

孫氏平地樂趙大勲之妻二十四歲失所天越二十

八年卒

孫氏吉家莊齊濬嘉之妻十七歲于歸逾期而寡孝
事翁姑生養死葬俱竭力弱弟三人氏皆撫之成

立以季弟之子爲嗣旣婚亦故氏今七十九歲矣

其孤苦之况行路猶爲傷心而氏安之若素習於
勤儉白首全貞共姜之流亞歟

孫氏子順莊李興保之妻相夫事姑先意承志夫歿
自縊者再以救免後事姑愈竭力姑歿喪葬盡禮
無子以夫兄子廷楷嗣家計艱難晝夜紡績子承
勤儉家以不替道光四年事呈李府尊給襲苦松
堅額焉

陳氏莊科賈汝爲之妻翁久病不能步履氏奉事弗
懈教嗣子嚴以濟寬兄弟分居辭多受少

張氏陳均平之妻

朱氏下馬頭李師結之妻孝親慈幼和於娣姒二十歲爲孀越五十九年卒

張氏大孫家莊武生孫鳳喈子效哲之妻溫惠淑慎孝親相夫克盡婦道夫歿翁姑多病弟妹皆幼一家胥於氏取給賴氏勤儉之力家漸豐翁姑喪葬盡禮弟妹婚嫁以時後爲弟援例入貢嗣胞姪養溱亦教養成立氏現年七十九歲

靳氏湖溪渡張秉常之妻心性誠動作慎勤儉持家

和睦處眾撫子極慈而不忘教誨有嫁女早亡壻
繼歿氏撫外孫迄於成立

郭氏宋家柳溝宋克勤之妻十七歲于歸事太翁與
翁姑繼姑俱極孝夫歿子承訓承典承謨俱幼季
子承詰則遺腹也氏矢志守貞撫育四子迄於成
立務農與儒各有正業

李氏大孫家莊孫永在之妻夫歿遭遇極苦矢死全
貞事繼姑無違言人所不堪者氏皆順受之以汝
凱爲嗣視如已出現年七十八歲

馮氏龍橋趙舒常之妻于歸時姑歿翁聶瞶氏孝事之夫歿子毓棟方週歲氏紡績給翁甘旨無缺翁歿匍匐營葬毓棟稍長勉以勤儉家賴勿替

任氏王家樓任蘇州府知府田怡之子監生掄元側室也年十七夫君卽世家人憐其少令他適氏呼天泣血誓不二歸後與嫡室相依爲命家業中衰常親操井曰而冰霜凜凜人無異言氏事上維謹得家人歡夫之子若姪皆愛如已出守節六十年歿以生母禮葬之

郭氏生家莊生光閭之妻夫歿家貧甚紡織爲生與胞姪永年同居已而永年亦歿爲姪婦立嗣承祧氏現年七十八歲

劉氏朱家海子甲辰進士岑溪縣知縣朱熊光之側室夫君歿循分守志親操井臼自甘淡薄家雖貧能保其孤至於成立

高氏婁家莊張廷訓之妻夫歿哭廢飲食厥後家貧甚氏晝薪夜績以供舅姑姑常有疾事之始終弗渝撫幼子雖愛養備至而督責綦嚴卒克成立氏

苦節自持笑語不苟且秉性狷介鄰有饋遺每固辭不受尤其卓卓可傳者

孫氏東站莊殷允奎之妻事姑孝謹十九歲夫歿勤儉治家擴地五十畝值姑喪氏立化義爲嗣竭力營葬壽七十三歲卒道光甲辰年學憲殷給額以節比松筠褒之

何氏南關廩生高士欽次子琳之妻二十一歲夫歿奉事尊章晨昏盡禮殫力女紅嘗夜以繼日雖秉性和順處物溫恭而宗黨尊卑嚴持禮節閨門之

內凜然整肅人咸仰德威焉

張氏鄧家莊唐勤之妻

武氏張家莊張國健之妻善於持家男耕女織無不井井有條事尊章存歿盡禮教誨二子俱諳義方又出紡績資延師教孫孫道廷已入庠

楊氏龍橋趙克瑜之妻于歸時姑孀家貧夫歿事姑二十餘年艱苦備嘗以毓青爲嗣教以勤儉家漸裕

譚氏東站莊張法蓋之妻家貧氏奉養姑情意懇至

宛若母女夫歿氏無出貞一自守不爲容飾躬勤紡織以資薪水而事姑益無間姑嘗語人曰吾媳卽吾子也姑逾八旬卒氏竭力營葬焉

尹氏傳家寨傅永成之妻姑多病凡湯藥飲食氏必親嘗進奉不假人手持家勤儉訓幼子以正稍有違轍痛撻之鄉中稱節婦第一

熊氏 欽賜舉人熊元智之女適刁家莊宋鳳岡

十六歲于歸逾年而孀與孀姑俱以幼年守志學憲張賜兩世清操字額現年七十六歲

張氏傳家莊元九峯之妻夫歿庶姑在堂氏生事死
葬莫不盡禮和於妯娌慈於姪輩時產業微薄賴
氏勤儉持家井曰桑麻一身兼理撫三子俱成立
備歷艱辛

楊氏毛家舖江丹陞之妻事翁姑最謹飲食起居無
不適親志翁姑嘗語人曰長子雖亡有媳如是吾
願足矣雖有妯娌兄弟凡家事氏必以身先之翁
壽至九十有一氏奉養之力居多夫歿時長子六
歲次子三歲俱撫養成立長至三十歲而亡人咸

宛若母女夫歿氏無出貞一自守不爲容飾躬勤紡織以資薪水而事姑益無間姑嘗語人曰吾媳卽吾子也姑逾八旬卒氏竭力營葬焉

尹氏傳家寨傅永成之妻姑多病凡湯藥飲食氏必親嘗進奉不假人手持家勤儉訓幼子以正稍有違轍痛撻之鄉中稱節婦第一

熊氏 欽賜舉人熊元智之女適刁家莊宋鳳岡

十六歲于歸逾年而孀與孀姑俱以幼年守志學

憲張賜兩世清操字額現年七十六歲

張氏傳家莊元九峯之妻夫歿庶姑在堂氏生事死
葬莫不盡禮和於妯娌慈於姪輩時產業微薄賴
氏勤儉持家井曰桑麻一身兼理撫三子俱成立
備歷艱辛

楊氏毛家舖江丹陞之妻事翁姑最謹飲食起居無
不適親志翁姑嘗語人曰長子雖亡有媳如是吾
願足矣雖有妯娌兄弟凡家事氏必以身先之翁
壽至九十有一氏奉養之力居多夫歿時長子六
歲次子三歲俱撫養成立長至三十歲而亡人咸

悲之

張氏城中朱續端之子武庠生光鏞妻十六歲于歸
二十歲夫歿其德性行詣已與孀姑張氏合載邑
乘矣茲取前志未及載者錄之嘉慶十八年歲大
歉餓殍相枕藉氏開倉賑貧遠近賴以活者多口
又取衆佃積欠盡焚其券至今里黨述其事猶感
激焉後食俸日繁家業漸墜召曾孫元孫謂之曰
修爾業勿惰也節爾用勿靡也勤爾學勿廢棄也
吾家世耕讀要以勿墜家聲爲幸至今曾孫學南

名震黌宮而其餘兄弟子姪輩耕讀外亦無他焉
知氏之德教所留貽者遠也氏壽八十五歲道光
甲辰年卒邑侯給彤管揚休額其門

張氏前莊科賈士軫之妻夫亡氏孝事翁姑無缺撫
夫幼弟士端士秀俱成立後二弟繼歿所遺子女
氏俱爲撫養視若已出家屢空賴氏紡績之供得
以存活以姪汝泮爲嗣

李氏前八里莊張國寬之妻醇厚寡言撫育幼子惟
以紡織餬口艱苦備至現年七十四歲

賈氏土寨庠生江惠馨子庠生東旭副室也夫在相
以勤儉夫歿疏水自甘撫孤成立

宋氏庠生宋勤之女適宋家柳溝王運漢運漢外出
翁姑在堂養生送死惟氏焉賴時子家臣方週歲
貧無立錫惟恃針縷度日撫子成立爲之有室已
而婦亦亡迄今母子僦屋而居貿易餬口氏現年
七十二歲

賀氏豆山陳瑚繼室自賦黃鵠後矢志堅貞躬勤苦
以事姑晝則視膳夜則同眠姑歿喪葬盡禮氏無

出以繼孟嗣爲孫輔清延師課讀入庠

丁氏李家屯范興魁之妻家貧孝事孀姑夫歿子二
歲氏日夜紡織奉姑旨甘而自安淡薄撫孤成立
傳氏莊科吏員賈克敵之子監生文彩繼室也干歸
時姑年逾七旬氏奉事惟謹夫亡前室遺三子氏
爲延師教讀視若己出氏勤於紡績儉約自奉好
善樂施學憲殷以貞筠勵節額其門

汝氏西站莊庠生王蘭亭之妻孝事翁姑翁姑至八
十餘歲相繼歿氏盡哀盡禮持家務勤儉不尙華

飾以兄子龍光爲嗣

戴氏康家莊周連中之妻夫歿氏晝夜號泣不欲獨
生姑與其母極力勸諭始進飲食時有藐孤甫誕
四月並前室子一視之日勤紡績爲兩子謀衣食
姑病奉事無缺歿竭力殯葬之氏青年守節迄今
皓首人無異言

尹氏高余莊張廣居之妻

秦氏孫永平之妻

于氏大孫家莊孫汝砥之妻孝事尊章存歿盡禮夫

亡無子以姪養瀛嗣氏簡默端莊勤儉持家婦德
婦節親族無間言

尹氏大孫家莊孫效孔嗣子養源之妻姑孀家貧氏
婉婉承姑意姑愛憐之良人早世日與姑相依家
益索操益堅姑歿匍匐治喪哀禮兼盡畢世勤苦
自勵不忘姑訓嗣姪履禮撫之成立

于氏西尹家莊畢繼銳之妻善事舅姑和於娣姒生
一子而夫歿氏矢志柁舟仰事俯畜孝慈兼盡十
餘年舅姑相繼歿依弟繼孜竭力殯葬爲子娶媳

甫年餘而子媳俱亡氏因以喪明遂嗣胞姪樂山
之子德常承祧氏現年七十一歲

高氏于家天井崔在友之妻翁歿氏事姑至孝家貧
年歉至剪髮以給姑食夫歿弟弱姑病不能起獨
以紡織爲生計者二十餘年如歿破產以葬所餘
盡與夫弟仍依機杼以自贍天弟生子氏愛而養
之長見其材遂以爲嗣

陳氏畢合楊家莊李公選之妻貞靜端莊侍姑疾晝
夜無倦名
古盡禮夫歿子週歲氏內勤女工外

營家計育子成立稱賢婦焉

張氏城中張春照之妻

孫氏土樓丁炳綱之妻柔順和平孝以事舅姑義方

訓幼子

高氏刁山坡楊春靄之妻性和平不爲容飾夫歿二子俱幼氏勤儉持家營葬翁姑撫二子成立

高氏尹家莊胡泮池之妻執笄之日姑已失明起居飲食惟氏相夫奉持焉越八年夫歿氏事翁姑益加敬以一身任家事事無不理撫弟與子延師課

讀皆爲有室迨子甫婚而夫婦俱亡翁姑感其孝而憐其節乃以季子泮游之子爲氏嗣又以第三子泮浚之孫爲氏之子嗣氏益安命若素翁暮年四肢不仁氏必親操匙箸以奉飲食雖有諸弟妯娌不援以自寬蓋其天性仁孝故始終不渝如此師氏于家寓庠生張濟廣之子元廷妻也甫誕一女而夫亡氏孝事舅姑撫育幼女及翁姑相繼歿乃繼嗣治喪爲之娶妻成家

趙氏畢家莊畢廷秀之妻侍翁病半載不倦及翁歿

夫亦歿姑以寡媳幼孫痛幾喪明氏寬言勸慰後
姑歿爲子娶媳而子又歿姑媳居孀相依爲命人
咸哀之今氏故矣孀媳孫氏又奚依焉

榮氏大孫家莊孫汝培之妻夫歿家愈索氏孝事翁
姑撫遺腹子養安成立氏生平勤儉自持言笑不
苟親族無間言

張氏土寨婁芳禎之妻孝事翁姑翁姑歿扃戶紡績
獨居食貧而已

王氏孫家莊增生孫文元之妻溫和莊肅事姑以禮

視娣姒如姊妹於姪輩皆愛憐之夫歿子甫八歲
姑喪明氏以事姑自在親侍寢膳二十年無惰容
姑歿盡哀盡禮閉戶紡績撫孤子成立

李氏李蠻子莊孫英拔之妻孝事翁姑定省無曠產
業無多常躬勤紡織以易薪米以甘旨奉親自啜
粗糲孤子書典甫二歲撫之成立而教誨之

劉氏傅家莊吳蠻之妻事舅姑以孝稱家本寒微賴
氏勤儉持家漸至康裕以姪大文爲嗣愛如己出

于氏大留張璽之妻張立節之冢婦也性端嚴寡言

笑于歸時祖姑年已邁起卧須人氏晨昏奉侍務
盡其誠未幾夫歿子甫週歲姑復多病家事皆賴
氏經理姑每病必撫摩良久始安奉藥進糜至徹
夜不得寐雖妯娌多人未嘗稍委其責弱弟輩起
居服食必使皆得所適雖極瘁而處之怡然析居
後爲子有室薄田僅數畝日紡績以供子讀方樂
含飴而子婦遽亡呱呱者重累人矣急爲續絃不
數年而子又亡寡媳弱孫傷心蒿目現年六十九
以頻遭變故慟極喪明述其事者每重其德悲其

遇太息於天道之不可問云

朱氏平陰縣知縣朱公正蒙之女王家樓任蘇州府知府田怡之子監生掄甲妻也性和平事姑孝雖生長宦家深知節儉夫亡家道中落紡織自給

常氏山頭莊柳萬箱之妻于歸時祖姑與翁姑俱在氏晨昏奉膳勸夫勤讀夫歿子女俱幼親又老病家事一付於氏不數年屢遭大故喪葬不儉其親撫幼子成人賴氏持家有法家以少裕

靳氏張家莊陳桐之妻忠厚端嚴孝事孀姑夫歿無

子姑媳相依爲命氏以婦兼子職內視寢膳外理家務雖茹荼食貧而志節卓卓嗣子泗水愛之如己出

胡氏韓家莊劉雲級之妻夫歿之年翁姑俱八十歲庶姑五十歲弱弟四歲子甫三月氏事老撫幼拮据度日艱苦備嘗翁姑病氏侍湯藥不倦翁姑與庶姑歿盡禮盡哀鄰里稱之

孫氏安城張洪武之妻和平寡言處等夷無爭事親撫子苦志貞守自二十三歲迄今四十七年

于氏姜家莊孫衍緒之妻夫歿子七歲女四歲又遺腹生一子翁姑視氏如女氏亦以婦代子翁姑歿哀禮兼盡治家克勤訓子以義清節硜硜鄉譽藉甚

穆氏大留劉國棟之妻家計薄井日親操翁姑賢之未幾從夫出嗣嗣翁姑俱年邁氏事之益謹夫歿遺子伯明未離襁褓氏事老撫幼靡不周至紡績之聲常達中夜兩翁姑身後之事均與有力焉

于氏大義屯叢巒之妻二十二歲夫亡孝親慈幼處

困能貞

蘇氏西瓜店史學文之妻孝翁姑睦妯娌勤儉持家
撫孤成立自二十二歲孀迄今四十五年

孫氏唐家莊張茂魁之妻張本寒素家賴氏勤於紡
績仰事俯畜於焉取給夫歿子甫數歲嘗以克家
示訓無爲博飲入於下流子賴母教成家立業稱
小康焉

尙氏劉家小莊劉省思之妻孝事翁與繼姑人無間
言撫幼子成立其理中饋諸務率以精勤罕有失

亭

楊氏張家莊張國紹之妻家貧甚夫歿氏慟而絕者數四後翁姑齒高衣食無計賴氏日勤紡績始免於饑寒又積苦數十年置田數畝以胞姪秉純爲嗣而教育之

朱氏小官莊何元祿之妻孝事翁姑翁與夫繼歿事姑彌謹坐立寢食必侍甚得姑歡兄弟妯娌咸感戴焉好濟貧親族中老弱無依者就食其家未嘗見德色氏不好服飾不苟言笑子二人皆教以義

劉氏李家堂姬衍桂之妻孝事翁姑尊讓兄嫂夫歿
四子俱幼旋亦析居時親老家貧恃氏紡織以給
朝夕迨翁姑繼歿長子天季子及三媳又亡所遺
孫二女孫三衣食皆仰給於氏氏以年近七旬家
又窘左支右絀艱苦極矣然非道非義一介不取
里人賢之

錢氏焦家柳溝何紹武之妻克盡婦道二十一歲夫
歿事翁姑益謹和於妯娌愛姪永震永良恩若已

出

韓氏元家集元行之妻

陳氏傳家莊元養澤之妻夫歿事姑克孝有兄嫂三人皆雍睦無間氏所分田產無多賴勤勞不倦撫子成立

趙氏李蠻子莊監生孫景相八子英元之妻肥城甲午科解元趙東周女也幼識字明於大義十八歲歸子孫孝敬翁姑悉遵禮法夫在時恪執婦道夫歿業漸微氏躬勤紡績莊肅自持嚴以御下姪輩

皆敬憚之無子以姪書訓爲嗣

高氏西跼莊王思謙之妻事翁姑盡禮自奉儉約好
濟貧困以兄子鳳光爲嗣撫之成立

楊氏宋家柳溝宋士重之妻夫歿翁姑在堂定省無
缺愛姪輩如子氏所分田不越十畝而刻意勤儉
井曰桑麻一身兼理精女紅又得針繡資權其直
置田百畝猶紡績不倦諸兄弟業多零落而氏獨
康裕皆勤儉之力也子炳輝成立爲之延師教讀
有孫男二含飴自樂殆貞節之美報歟

張氏湖溪渡張道常之妻夫歿家用不給上有孀姑
下有寡媳氏事上恤下夜寐夙興備嘗艱苦而貞
一自守人無異言有三子亡二惟少子存

李氏李車店邵善續之妻相夫以勤奉姑以孝夫歿
矢意身殉家人以次防閑百般勸解始得免氏宅
近市凡至市期閉門終日人皆指之曰此節婦李
氏門也其姑晚年甚健常曰吾非有孝婦奉養焉
能如此喪葬畢家業甚艱氏以紡績老無嗣聞者

叢氏孔村徐緒宗之妻性情和厚勤儉持家

馬氏孔家集劉可鈞之妻恭謹和平孝友慈惠夫歿
遺一子天以夫兄可型子繼孝嗣

張氏王家小莊王岐鳳之妻事太翁姑與翁姑俱敬
慎夫歿子金台甫二歲氏志比陶嬰勤修婦職太
翁晚年喪明氏親奉飲食後翁病癱氏亦定省無
缺嚴以訓子和以處衆今舉家五十九人猶共爨
氏之力也爲諸姪與孫延兩師訓讀姪寶鼎已入
庠餘亦應試一門之內庭玉成叢亢宗之功顧不

足多哉

畢氏山頭莊柳萬成之妻夫歿氏上奉翁姑下撫幼子侍姑病左右不敢離姑歿哭之慟絕而復甦見者無不感泣

丁氏劉家店劉永湖之妻幼而端莊長而淑慎年二十適劉家赤貧氏卽典釵裙以給薪米翁姑賢之不數年失所天氏累口不食以家人苦勸得不死自是持家益勤績聲徹晝夜上奉老母下撫幼子水霜之操沒齒不渝

高氏外山李法文之妻和順恭肅相夫孝親夫歿子
二歲氏獨持家務仰事俯畜撫孤子成立

子氏龍橋庠主趙鵬興子伊堂之妻于歸未一載夫
溺水死尸不可得氏號痛赴河呼天欲殉尸乃出
未幾翁以痛子故亦歿姑成癰喜怒無常氏善承
順之雖怒極氏至一言可解弟毓桐毓璧俱幼氏
以姑病躬撫養之長爲毓桐援例入成均娶高氏
毓璧娶劉氏未幾毓璧亦歿劉亦二十歲守志姑
繼歿與毓桐拮据營葬盡哀盡禮葬畢毓桐亦歿

遺三孤氏與高劉分育之長延師教讀慈母如嚴
父三孀居室相勉以義相率以勤氏歿高與劉厚
殮之遵其家政如初高夫歿時已三十歲劉現年
四十八歲於例未符故均未採入

許氏北新莊陳世訂之妻二十一歲而孀溫
和寡言事親克孝晝夜紡織以供衣食

畢氏侯家莊劉春山之妻現年六十三歲

秦氏孔家集孔繼業之繼室家貧事姑孝前室子廣

鳳生未期氏撫若已出夫歿氏無子獨持家務撫

廣鳳成立

王氏毛家鋪江大魁之妻夫歿時親老子幼產業無多氏勤儉自持紡績不輟卒使翁姑生養死葬各得所子亦成立

田氏大礮劉莊張立能之妻性柔順明禮義其持家有法中饋事務區畫各有條理教子甚嚴少有過輒鞭撻不貸至遇阨窮堪憫者有求必應里人多德之

孔氏王喬澗焦際唐之妻勤儉孝敬夫亡杜門不出

水操凜然子若溪長延師課讀

劉氏孫家莊孫岱之妻于歸時太翁八旬翁六旬姑
喪明弟國義國全俱幼夫又多病氏事老撫幼一
家衣食悉爲經紀夫歿執婦道益謹勤儉持家凡
執親喪皆盡哀盡禮竭力營葬以國全子治順爲
嗣

張氏趙家莊趙際堯之妻夫歿後上事八旬老姑下
撫百日孤子成家立業艱苦備嘗

邵氏平地樂趙大智之妻孝事翁姑喪葬盡禮夫歿

不出戶庭不輕言笑燕門竹扉之操於氏見之

劉氏夥家樓張春豐之妻事親克孝持家以勤

江氏夏家溝于中序之妻于歸時祖姑及姑在氏勤

儉持家相夫盡孝夫亡執祖姑喪盡禮侍姑疾不

解帶者月餘子尙仁尙友氏嘗語之曰人不可不

學不學如面牆耳迄今二子畢力耕讀遵母訓焉

尹氏韓家莊劉雲龍之妻年十七歲夫歿慟極欲以

身殉念舅姑無依不敢卽死每二老有病晨昏事

奉無缺翁姑歿夫弟磨符方十一歲時家業凋零

氏以紡績助其讀書每有諄諄勸讀聲色俱厲之時
磨符早年入泮氏之力也

于氏韓家莊韓魁文之妻十八歲適韓門越期而嫠
孝事盲姑五年如一日夫歿兩月生一子雖愛憐
不廢督責紡績自勤家政無替

張氏趙家莊趙際舜之妻夫歿後家計甚窘二子俱
幼氏撫子成立傭工餬口節婦中之尤苦者鄉里
婦孺言及之輒爲淚下

尹氏城中朱光保之妻翁姑歿事庶姑孝夫亡貧無

立錐艱苦自守至忍凍餓無怨色且曰家雖赤貧經書不可不讀令長子衍蓋就傳後入邑庠以筆耕度日次子務農守分皆氏之教也

王氏婁家莊婁春澄之妻寡言語愼容止謹執婦道迨夫繼舅歿氏盡心事姑始終弗懈有二子自幼訓以正不令與輕薄兒遊爲之延師課讀躬紡績以給讀書資子皆明禮義焉氏家素貧常親事汲春自甘菲薄而待人最厚每遇老幼丐者饑則餒寒則薪故窮民多歌舞之云

李氏吉家莊高瑞年之妻孝事尊章義方訓子勤紡績以餬口家雖貧猶以勤讀課子子應試

孫氏畢家莊畢希舜之妻于歸二年姑病氏親侍床蓐夙夜不怠及姑歿夫亦謝世氏有一男二女艱苦備嘗終無異志一日一食者二十餘年今亦置田十餘畝爲子廷錫娶妻立家焉

周氏新莊陳永和之妻上奉九旬祖姑勤於紡績苦度歲月

朱氏夏家溝張春洵之妻太翁姑年八十餘氏善事

之俱得其歡姑病侍寢視膳累年無倦色時家事繁劇嫂趙氏頗難勝任氏佐之家政以理以夫兄次子同珏爲嗣勤爲課讀入泮食餼一女長適秦門亦克事其尊章守母訓也

李氏平地樂趙沂之妻淑慎寡言孝翁姑睦娣姒勤儉持家撫子成立

孫氏土樓劉成文之妻家貧常勤紡織以供夫讀夫歿親老子幼氏親採樵以給食值年饑勢不能保聚爲人傭工致養老幼始免凍餓今姑年九十一

三
歲氏奉養倍加厚焉窮苦節義於是爲極

白氏西關孔繼林之妻動靜有常喜怒不形於色待
舅姑生事死葬皆盡禮家少產業恃紡績以撫幼
子及長延師教之

趙氏城內朱慶源之妻自二十二歲寡守越二十七
年而卒

張氏國家莊吳長仁之妻性情直而寡言持家嚴肅
紡織自給

張氏孔家集孔毓錡之妻孝翁姑敬兄嫂夫歿子甫

三歲月餘又生一子翁歿姑病癰累年卧牀蓐氏
晝夜奉事不倦勤於持家撫二子成立

孫氏平地樂趙清洽之妻性情溫和德言婉婉翁姑
歿葬祭皆致誠睦於妯娌慈於卑幼見貧苦輒周
恤之

于氏廉長清之妻家貧親老日勤紡織以供菽水夫
亡子金瑤金環俱在懷抱氏撫育教誨各成立焉
安氏傅家寨王鴻蘋之妻孝於翁姑慈於幼子

王氏平地樂增生趙鳳喈子魁超之妻貞潔寡言事

翁孝衣食必親檢視持家勤儉撫子成立

蕭氏楊家舖楊思誠之妻夫歿無兄弟有一子尙在襁褓是時翁歿姑存家計蕭條賴紡績以度日越十年姑歿勉力營葬

趙氏葛家樓展毓祥之妻事翁姑舉村皆稱其孝夫亡時前室子興賓方五歲氏撫育成立愛若已出與夫弟毓聰同居待以和厚終無嫌隙

師氏張翊祥之妻夫歿與姑同居奉養之事皆引爲己任雖有兄嫂不少援焉兄產業已落又中年而

